



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De pugna quae Alexandriae inter Christianos & Iudaeos suscepta est, &  
Cyrilli episcopi contra praefectum Orestem altercatione. Cap. XIII.

**urn:nbn:de:hbz:466:1-12704**

terique gradu & ordine donaret. Huius Chrysanthi con-  
ciones extant & elegantes, & acutæ. Ablabius postea ecclæ-  
siæ Nouatianorum, quæ est Nicææ, episcopus fuit creatus,  
ibiisque pariter Rheticam docuit.

*De pugna quæ Alexandriae inter Christianos & Iu-  
dæos suscepta est, & Cyrilli episcopi contra præ-  
fectum Orestem altercatione. CAP. XIII.*

**E**odem tempore Iudeorum gens, à Cyrillo episcopo  
Alexandria hanc ob causam eiecta est. Populus Ale-  
xandrinus præter cæteros seditionibus delectatur: in  
quibus, si quando sit oblata illarum conflandarum occasio,  
scelera eduntur propè intolerabilia: quippe sine sanguine  
nunquam populi impetus sedatur. Id temporis tumultus,  
non de causa aliqua necessaria, sed de studio saltatores spe-  
ctandi (quod malum per omnes ciuitates serpit) in ipsa  
multitudine fortè ciebatur. Nam die Sabbati ingens turba  
ad quendam saltatorē spectandum confluxit. Et quoniam  
Iudei, qui illo die feriantur, non legi audiendæ, sed specta-  
culis & ludis scenicis contemplandis totos se dedebat, dies  
ille populi factionibus inter se mutuo dimicandi causa ex-  
titit. Ac quamquam populi discordia à præfecto Alexan-  
driæ quodammodo tum pacificata fuit, nihilominus tamen  
Iudei alteri populi factioni aduersarij esse non destiterūt.  
Atq; tametsi Iudei Christianis erant semper infesti, tum ta-  
men propter saltatores inulto in eos infensores facti sunt.  
Itaq; cum Orestes præfensus Alexandriæ πολιτείαρ (sic  
enim publica præfecti edicta appellant Alexadrini) in the-  
atro proponendam curaret, aderant etiam Cyrilli episcopi  
necessarij, vt edicta à præfecto publicata confyderarēt. Inter  
quos erat vir quidam nomine Hierax, humilioris literaturæ  
magister: qui attentissimus auditor episcopi Cyrilli fuit, &  
in concionibus eius plausum diligentissimè excitare con-  
suevit. Hunc igitur Hieracem, vt primum Iudeorum mul-  
titudo in theatro conspicata est, extéplo vociferari cœpit,  
cum ob nullam aliam causam ad theatrum accessisse, quām  
vt populum ad seditionem concitaret. Orestes autem, et si  
ante Episcoporum potestas illi odio propterea fuerat,  
quod per eos nonnihil de authoritate eorum, qui ab

## SOCRAT. HISTORIAE

Imperatore ad magistratus gerendos designati erant, admodum detraictum fuit, tamen tum vel maxime, quod Cyrilus videbatur in eius edita curiosè inquirere. Proinde Hieracem palam in theatro comprehensum, grauibus diuexauit suppliciis. Quare intellecta, Cyrillus Iudeorum primarios accersit: illis, si non contra Christianos tumultus ciere desistant, debitas poenas se irrogaturum minatur. At multitudo Iudeorum, cognitis episcopi minis, multo maiore iracundia astro exardescere, machinasque ad Christianis nocendum excogitare coepit: quas quidem præcipuam causam Iudeos Alexandria exturbandi fuisse iam ostendam. Iudei cum tesseram ipsi sibi dedissent, nimirum ut quisque annulum ex cortice palmæ confectionum gestaret, nocturnam pugnam contra Christianos instituunt. Itaque nocte quadam per vniuersas urbis regiones à quibusdam conclamandum curant, totam ecclesiam Alexandri nomine nuncupatam igne conflagrare. Quo audito, Christiani, alius aliunde, concurrunt, ut ecclesiam ab incendio liberent. Tum Iudei protinus impetu in Christianos facto, eos trucidant. Atque ut à suis annulis demonstratis, manus abstinebant, sic Christianos, qui ipsis forte obuiam facti erant, è medio tollebant. Vbi autem illuxit dies, sceleris authores minimè obscuri & incogniti fuerunt. Qua de re Cyrillus grauiter commotus, cum ingenti manu ad Iudeorum Synagogas (sic enim eorum templa vocantur) recta pergit: & ex Iudeis nonnullos neci dat: alios expellit è ciuitate, eorumque fortunas à multitudine diripi permittit. Itaque Iudei, qui usque ab Alexandri Macedonis temporibus illam urbem incoluerant, tum vniuersi inde eieci, alij in alia loca dispersi vixerunt. Adamantius ex numero Iudeorum, qui medicinam docebat, Constantinopolim profectus, ad Atticum episcopum se contulit. Qui posteaquā Christianam religionem professus erat, Alexandriæ denuo habitauit. Orestes, illius urbis praefectus illud Cyrilli factum valde iniquo animo tulit, magnumque cepit dolorem, tam præclaram ciuitatem tanta hominum multitudine prorsus orbata esse. Quamobrem ad Imperatorem de rebus ibi gestis, refert: Cyrillus etiam Imperatori Iudeorum cælera per literas significat: & nihilominus tamen de amicitia conci-

concilianda (ad illud namque faciendum populus Alexandrinus illum impulerat) cum Oreste agit. Verum ubi Orestes de amicitia ne audire quidem voluit, Cyrillus librum Euangeliorum (hunc enim illum reueriturum putauit) ei manu porrexit. At cum Orestis animus ne hoc modo quidem deliniri posset, sed inter eum & Cyrrillum capitales inimicitiae semper intercederent, haec clades quam deinceps commemorabo, inde consecuta est.

*Quod Monachi qui Nytrae conueniebant, Alexandriam Cyrilli causa descendentes, turbas contra praefectum Orestem concitarunt.*

## CAP. XIV.

Nonnulli ex monachis qui Nitram montem accolabant, ingenio feruentiore praediti, sicut iam pridem idem ipsum declararunt, exorsi à Theophili temporibus, quando erant ab illo contra Dioscorum & eius fratres iniquè armati, sic id temporis quoque emulationis ardore inflammati, prompto & alaci animo pro Cyrrillo dimicare constituerunt. Itaque viri ad quingentos numero ex monasterijs egressi, urbem Alexandriam contendere, praefectum rheda circumiectum obseruare, eum adire, sacrificum, gentilem, & aliis compluribus contumeliosis nonminibus appellare coeperunt. Ille suspicatus sibi à Cyrrillo insidias collocatas esse, exclamare se Christianum esse, & ab Attico episcopo Constantinopoli baptizatum. Verum ubi Monachi eius verba videbantur contemnere, unus forte ex illorum numero nomine Ammonius caput praefecti lapide percutere. Praefectus illo vulnere inficto totus sanguine manare. Quapropter praefecti apparitores, exceptis paucis, omnes se clam inde subducere, alias alio se in multitudinem abdere, praecauentes ne lapidum iactu intermanatur. Interim populus Alexandrinus frequens eo confluere, monachos praefecti causa animo prompto vlcisci: quos omnes praeter Ammonium in fugam vertunt. Illum ad praefectum deducere. Praefectus palam, uti leges postulant de eo quæstionem exercere, tormentis tantisper afflictare, dum extremum spiritum edit. Quæ res non diu post ad Imperium aures perlata est. Quinetiam Cyrillus candem rē illis,